

111 年全國語文競賽原住民族語朗讀 【卡那卡那富語】 高中學生組 編號 1 號

putucau mamarang

'esi na ucani tanasun. 'una tacini tamu, sii cucuru marangu cu.

ka'anu cu tavana'u panaturu mukuru siakunu, paira 'apatapari'i na pangka

uru, nukai camai mataa 'aau. nguain tamna manu mataa nipu'aravanga

nanaku. cucuru puaka 'inia! muruvuaru arakukunu 'inia kumakunu.

movua 'inia niarupaca rengka kamanungu takupin. paira

ka'anu musutanpu kunu in, ka'anu kuvucuruku.

'una ucani taniara, makurukuru ramucu tamu. ka'anu cu

tavana'u mukuru takupin. nimatapari'i na 'unu'unai, ravi'a! kuracun

nipu'aravanga in masiaka 'inia! maucung mangucunu marangu iisua,

ka'anu pokarikari.

marivivini, 'una ucani taniara. tinipuru na pangka tassa

kinaru'unu kumakunu. tupuru na ciciri ta'unu ti'ingai sua marangu.

meesua 'una cu manu sua kinaru'unu. manasu usupatu cenana

cu. 'esi 'unai'unai sumasima'u. arau manu sua ravi'a takupin makai

tia 'apatunutu.

"neni 'esi kamanungua musu?" kesoniun kinaru'unu.

marivari manu makasi: "tia maku patakiciun ravi'a takupin isi, noo

marangu cu kamu, tia siarupaca mu nuari kumakunu."

tumatimana kinaru'unu kari manu iisua. surumu makai tinimana

mari'urucan tamna riang, rakicacu aramia'u cu! makacang matikiri ramucu

marangu tamu, 'apatupuru na ta'unu pangka. matimanungu matikoru uru,

camai, 'apakunu 'inia. aranai taniara meesua, 'apaco'e noo kumakunuin

marangu, 'una pa matapari'i uru nukai miciri 'aau, ka'anu cu pokarikari

kinaru'unu tassa.

paira mamarang maka'uaru kitana: "iikamu nanamu putucaua na

mamarang. tumatimanaa mamarang tamna kari. sua cau makasua ia, tia

parasingsingun kakangca." tia aracuvuru aratatia kita kavangvang. noo 'una

cu kita manu, tuiisua cu kita cuma nukai cina, sua nipukarikaria mita,

nikamanungua mita, 'esi cu'uruen mataa timanuen mamamu. makananu

kasu makari mamarang musu? nuari tia makananu kavangvang nguani

makari kasua. imua, sua "cau" kisuen ia, tavana'u pacupungu.

tavana'u cumacu'ura neni sua aka? neni sua mamanung? kamucu kita

ka'anu musurarai, ka'anu pai'e'i noo marangu cu kita.

敬老

有位老人眼睛老花又重聽，常無法緊握餐具而掉落飯菜，他兒子及媳婦很嫌棄與他同桌吃飯。夫妻倆拿著用瓦片做成的碗給他使用，給他的食物也經常不足而挨餓。

有天他摔破碗被媳婦斥責，媳婦對著他不停的責罵，爺爺只有低頭不說話。夫妻拿更破的碗讓他使用。後來小孫子在地上玩耍，拿著破碎的碗拼裝著。

「你在做什麼？」夫妻問小孩。

「我要把這破掉的碗黏貼回去，將來要給你們使用」。

夫妻聽到小孩說的話，好像被雷公嚇到，非常的震驚！從那之後，老人還是會有飯粒掉下，或弄倒菜湯，但夫妻倆都不敢再說話。

長輩們經常規勸我們：「做後輩要孝敬自己的父母長輩，聽從長者說的話，那樣的人才會受到上蒼的祝福。」我們都會變老，成為別人的父親和母親，我們所說的話；所做的事情，孩子們都在看著；聽著。你怎樣跟長者說話，未來你的小孩也會怎樣跟你說話。我們是「人」，會思考，會觀察。哪個是錯？哪個是正確？但願我們不會經常犯錯，就不會有太多後悔。